Universal Declaration of Human Rights - Dagbani

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

ZAL'SHENA NAN KPANSIR' ZOSIMDI NI NANGBAN YINI ANDUNIA TINGBANA SUNSUUNI

LAHABAL' TUULI

Yelimaŋli, behigu kam yi yen mali kore ni dariza zaŋ n chaŋ sal' mini o kpee sunsuuni faashee ka be che tab' bobbu ni tab' muysubu yiruŋ yiruŋ. Din lan pahi, di bi tu ka boliyoli be be nimdi ni. Din nyaaŋa, di bi lan tu ka zab choyima ŋan ka alifaani gor be be sunsuuni. Yeltoy' yoya lala n yi doysi nam tobu, ka bebu koŋ tulaale. Sal-nim yi lihimi zem zal' sheŋa ŋan be litaafi ŋo ni ka zilsigu ni fabila nabigi m-maan pahi nabili be sunsuuni. Ashee toysigu ni shaawara ni be sheli, fabila ni yolitem ka ka di beni.

Din ni che ka fukumsi ni muysigu sayim zosimdi ka sokam ti zor' n bahiri o sol' la, di tuya ka ti niŋ kookali niŋ ti suhu ni, ka zal' sheŋa ŋankam be litaafi ŋo ni daalifaani tabili sokam. Zal' sheŋa din be litaafi ŋo ni lan nyela din toŋdi aminsi ni zosimdi ka bukaata kam maana.

Tingbana Nangban Yini Layingu sheli be ni boli yubolig' Yunaitid Neishins la nim zaa dihi nuu gbon ni ka dama be zaa yuya ni di kpansi zal' shena nan zaa nye nan kpansir zosimdi ni toysigu tingbana sunsuuni. Binnamda Naa yiko puuni, paya bi gari doo, doo mi bi gari paya. Be zaa la yim. Ni dinzuyu be bor' ni yeda ni suhupielli be ti sunsuuni, ka ti puha yooi tab' zuyu, ka yelli kam ku nyan ti. Din ni kpansi ka zal' shena nan be litaafi no ni maali sokam buchi, sokam maaimi o nii n karim litaafi no ka di kpe o tibili ni venyelinga.

Dinzugu, pumpəŋə,

Jeneral Asembli Layingu ni di

ti sokam lahabali ka dama

ZAL' SHENA NAN BE LITAAFI NO NI NO NYELA

ŋan ni niŋ tiŋgbana ni sokam alifaani. Sokam, zaŋ n-ti tabli dunia-yili laɣiŋgu balibu kam zaŋim zal' shɛŋa ŋan be litaafi ŋɔ ni n-niŋ waaʒibu, ka bɔ daliri din ni chɛ ka ŋa niŋ bayaana ni achiika: Wuliŋpuhili, Wuliŋluhili, Nudirigu, Nuzaa, ni luɣulikam. Amaa Zal' shɛŋa bɛ ni yu ni ti zaasa kpaŋsi maa n-dii mbɔŋɔ.

N-dam 1

Sal' la sala. Bɛhig' be sokam sanimi, din pa la amii. Suhizɔbo be sokam sani; ka nambɔyu beni. Suhubɔhibo mi bi lan kɔŋ yigunaadam kam sani. Dinzuyu dimbɔŋɔ zaa wuhiya ka dama di tu kamaata ka ti zaa yu tab' hali ni ti puuni.

N-yi 2

Zaligu dinkam be litaafi ŋɔ ni nyɛla din maani yigunaadam bukaata zaŋ n chaŋ bɛhigu polo. Zaligu bi ti soli ni so gahimmi o kpee. Gbampielli ka soli ka o gahim Gbansabilli; doo di biɛhim paya; so mi di zaŋ o daadiini din par' o n zaŋ bɔbi o taba, o yaa zuyu. So mi di tɛhi ni o bɛhig' bee o buni bee o dɔyim dahibarka bee o bilichiinsi zuyu o mali yiko din ʒemdi o kpee bee n zaysir' o.

Din nyaaŋa di ka soli ka so zem o kpee ni o tiŋ viɛl' zuyu. Ŋun ya-nim nya sumaŋ-tali di pirim ni o ya nyays' zuyu n lihi zem ban na be Soomanji-tali waamaa dabtim ni.

N-ta 3

So di pirim o wəyiritali zuyu yeli ni o tum tuun sheli din gbarigir' behig' ka zal' sheŋa ŋan be kpe bi ti o yelli. Di veeni ka kookali be sokam sanimi ka fawəyili kani.

N-nahi 4

Zaligu bi lan n sayi ni so zaŋ o ygunaadam kpee niŋ o bilaa; dama dabtim daawabu gariya ka di bi pɔra. Dinzuyu, taali n nyɛ li ni achiika ni nir' kɔhi dabili bee n da o.

N-nu 5

Zaligu bi lan sayi ni be nin so alaka bee fukumsi bieyu din ka albarika di tooni ni di nyaana.

N-yobu 6

Zaŋ n chaŋ dunia-yili lɔɔ bee dunia-yili zaligu polo, soli kani ka bɛ tooi pii kayili ti so, ka pii dɔyu n ti so. Baŋ veeni nudirigu maa ka veeni nuzaa gba.

N-yopoin 7

Zaŋ n chaŋ zal' sheŋa ŋan be kundi puuni, yelli din dir' tarima dir' bilchina. Sariya dol' la yelimaŋli, di bi doli ʒiri.

N-nii 8

Sariya dibu shee, Gbampielli dini ka la di kɔ ka chɛ Gbansabilli dini; dama ti zaa la yigunaadam-nima.

N-wei 9

Zaligu bi sayi ni yelwums' choyima zuyu be niŋim nir' fukumsi, bee n kpeh' o duu, bee n kar o o yaannim tiŋ' ni, o banim tiŋ ni ka di ka soli.

Pia 10

Zaligu maa lan wuhi ni solibeni ka nir ni bo soya n tahi o sariya ben ni di li luyusheli ka zualinsi kani, be yi di o sariya ka di bi tiyi o nini.

Piniyini 11

- 1. Kootu yi di nir' sariya, n yi kpeh o la sarika, o mali yiko din zabiri oman zuyu, n bɔr lɔya-nima, ka bɛ zaani o nyaana; ka nayila nun gba nyami ka lala nyɛla ningbun-duyili.
- 2. Zaligu lan yɛli ni di ka soli ka bɛ niŋ nir fitiina ka di lan bi tum m birigi tiŋgban shɛli puuni o ni ʒia maa zal' shɛli; bee zal' shɛŋa ŋan be litaafi ŋɔ ni. Nir yi tum m-birigi zaligu, bɛ darigi' o tibili la zaligu kundi ni buysi ni bɛ niŋim o shɛm.

Pinaayi 12

Zaligu lan wuhi ni di ka soli, sal-nim zamba puuni, ka bɛ vihi nir' ni bɛ baŋ ashili shɛli din nyɛ o dahalali; bee o daaliwumma daashili; bee o yili puuni daashhiya; bee n vihi o washiika shɛŋa ŋan nyɛ o dini; bee n bɔ daliri n filim n filim o yoli. Zal shɛŋa ŋan be litaafi ŋɔ ni ʒe la sokam nyaaŋa pa yino kɔ nyaaŋ' ka ŋa ʒeya.

Pinaata 13

- 1. Zaligu lan wuhi ni sokam mali soli din gamdi ο yubu tiη ηαn nuu be zal' shεηα ηαn zali ηɔ ni.
- 2. Sokam lan mali yiko din yiri o ya, n duri tinduya ka tiligir' o ya na ka taali sheli kani.

Pinaanahi 14

- 1. Zal' shena nan be kpe lan wuhi ni nir mali soli din zandi o nyevili n zor tiligira ka tin sheli o ni zo n kuli maa nim tayi n deeg' o.
- 2. Laabida, ŋunkam yi kpuyi napɔŋ lala yi tummi n birigi o tiŋgbɔŋ zal' shɛli bee Tiŋgbana zaasa Naŋgban yini layiŋgu zal' shɛli, o nyɛ la o takahi bindi maa, dinzuyu, o ni va o bini.

Pinaau 15

- 1. Zaligu din be kpe lan wuhi ni nir' mali yiko din kpehiri oman zuliya sheli ni o suhu ni gbaai.
- 2. Di di pirim sheb' bee so suhuyubu zuyu n mɔŋ so yiko din ni che ka o tooi kali omaŋ n kpehi zuliya shel' puuni o suhu ni yu.

Pinaayobu 16

- 1. Zaligu maa lan wuhi ni pay' kam ni doo kam: Kpuŋkpana waamaa Sayayɛlga mali yiko din kpuyiri bal' shɛli o suhu ni yu n namdi zuliya o yaa tariga. Zal' shɛ ŋa din be kpe ni sɔŋdi dɔɔ shɛm, di sɔŋdi pay' gba la lala.
- 2. Zaligu lan kpaŋsi yɛltəy' shɛli. Yɛda ni yɛda shee, doo mali soli din kpuyiri o suhuyubu paya.
- 3. Zaligu lan wuh ni doo mini paya n yi layim n nam tuŋ. Ni dinzuyu, nama dahilibarka puuni, ni bɛ su dɔɔ mini pay' zaami.

Pinaayopoin 17

- 1. Nir mali yiko din zaani o dahalali azichi bee n nyar' sheb' pahiri omaŋ zuyu ka be kper' wɔlima ni.
- 2. Dunia yelwumsa nun zuyu ni ninvuy' yino suhuyubu zuyu, soli kani ka be ni tooi fa nir' daazia.

Pisaayika 18

Behig' wuhiya ka dama soli kani ka so tooi bobi o kpee. Sokam mali soli din tumdi o yubu ka doli adiini sheli din par' o. O suhu yi ti lan je adiini sheli o ni doli maa, o lan mali yiko din loori adiini sheli din ta o yem. Limama-nim mali soli din kpaŋsir' be daadiini ka jemdi Naawuni be daahaŋkaya tariga ka taali sheli kani.

Pishiyinika 19

Zaligu lan kpaŋsi ni yigunaadam kam mali yiko din dir' o suhuyubu daalizama, ka di kun o ni bɔr' luɣushɛli, di yi pa alizan shɛli din galim.

Pishi 20

- 1. Layingu dinkam gbibi maaligu, litaafi ŋɔ kpaŋsir' li ka ʒe di nyaaŋa.
- 2. Soli kani ka nir' suhu bi gbaai minti sheli ka so tooi kum o yaa zuyu muysir' o ni o kpehi di ni.

Pishi-ni-yini 21

- 1. Zaŋ n chaŋ tiŋgbɔŋ puuni daalizama ni nyɛ shɛŋa zaa, soli kani ka di mɔŋ so di shaawar' shɛli, dama zamaatu zaa shaawara n nyɛ li.
- 2. Tingbən kam mulichi ni yu sheli, dina n nye waazibu. Be suhuyubu maa ka be maali tumdi tuma.
- 3. Litaafi ŋɔ lan kpaŋsi ni gbaaibu yi yɛn gbaai din vootim' vootir' maŋli n gbaai gbaaibu din ni zaŋ n tum tuma.

Pishi-ni-ayi 22

Zaligu lan kpaŋsi ni sokam mali soli din kuuni o tiŋ zuyu; dama bɛ zali tiŋgbɔŋ la ni so kam bukaata maani zuyu. Ni dinzuyu, tiŋgbɔŋ niima nyɛla tiŋgbɔŋ zaasa buni, ka di taada kam pa so saandi.

Pishi-ni-ata 23

- 1. Zal' shena nan be litaafi no ni lan wuhi ni sokam tumdi tuma ka bom o suhuyubu tuma din nye din ni son o ka son o mulichi. Sokam lan mali soli din duhiri o yee ka be nyar' tuun suma tir' o.
- 2. Nir' wəligu bini ni nye sheli, di ka soli ka so tooi məŋ o li.
- 3. Tumtumdi kam veeni ka o dir' wahala ka be yori o la yo' sheŋa din ni sayi o mini o mulichi ka fukumsi ti yen ŋmani di gbaairi o la ka be soŋ o zaligu ni buysi shem kundi ni.
- 4. Tingbən kam mulichi mali yiko, sənsim soli zuyu, din zaani be dintəli layingu sheli be ni bəəni Siliminsili ni ni Treid Yuniəns la ka di zabiri be tumtumdib' zuyu.

Pishi-ni-anahi 24

Zaligu lan wuhi ni sokam vuhimi o daahaŋkali tariga ka tummi tuma saha, din nyaaŋa ka diɛmmi bee n kperimi kpɛrigu saha.

Pishi-ni-anu 25

- 1. Zaligu lan wuhi ni be nam behigu la sokam zuyu. Ni dinzuyu, sokam mali yiko din bori alaafee soya; dama a laa fee n nye binsheyukam. Sokam lan mali yiko din wolindi puzuri ni sutura zuyu, ni yili zuyu, ni dinkam nye din maani ka pahiri behigu. Zaŋ n chaŋ gu-maŋ daashiya mi polo, ni koŋsim doro, gbariginsim, dakolim, kuriginsim ni dunia yili fukumsi kam, zal' sheŋa ŋan be litaafi ŋo ni soŋdi sokam-mi.
- 2. Zaŋ n chaŋ bia mini o ma shee, sokam mi ni bia dɔɣibu tɔ, dinzuɣu, bia kam, sheeje ni ŋun mi o ba zaa, zal' shɛŋa naŋ litaafi ŋɔ ni zani yim ni bia la bia, ni dinzuɣu ban mali ba nim ni kuuni ka gamdi ka tiŋgbɔŋ nuu pa bɛ zuɣu shɛm, ban ʒi bɛ banim gba mali yiko din gamdi lala.

Pishi-ni-ayobu 26

- 1. Zaligu lan wuhi ni daadam kam mali yiko din bohindi karoŋ. Gommanti n su yiko ni bɛ yo sikuru bihi zuyu ban na piini karoŋ; ka na bi karim n chaŋ katiŋa la, zaa zuyu. Talahi n nyɛ li ni sokam tohi o bia sikuru. Tuun baŋsim sikuru-nim bi koŋ tiŋ kam puuni din dolisir' ban zuyuri gor' ne n-ne la, ka bɛ karindi n baŋdi venyɛliŋga.
- 2. Zal' shena nan be litaafi no ni yeliya, ni di veeni ka bansim kam pahiri nir' la ninneesim, ka wuhiri bihi jilima ni suzuda ni behigu ni yurlim soya ni nye shena; ka ti wumdi kpamb' yeligu, ka suyulo be sokam sani ka toysigu be dunia-yili zuliya kam sunsuuni; ni Musulim-nim ni Yisa Nyaanolib' ni chefirnim sunsuuni, ka Tingbana Nangban Yini Layingu la nia kam pali.
- 3. Ba-nim ni ma-nim mali yiko din piiri karəŋbaŋsim sheli be suhu ni yu ni be bihi karim. Zal' sheŋa ŋan be kpe wuhiya ni bihi ba-nim ni be ma-nim yubu la ka zaligu ŋə kpaŋsi n nyaŋ binsheyukam.

Pishi-ni-ayopoin 27

- 1. Nunkam suhu yu ni o kpaŋsi o kali soya bee o diɛm diɛn shɛli, bee o wa wa shɛli, bee o doli ninneesim so' shɛli, soli beni ka di lan tooi nin o yubu ka taali kani.
- 2. Nunkam kpaŋsir' omaŋ zaŋ n chaŋ baŋsim polo, ni ŋunkam lan kpaŋdi omaŋ zaŋ n chaŋ o nya alifaani, soli kani ka so tooi gu di lan soli zaŋ n chaŋ o yubu maa polo.

Pihita-ayi-ka 28

Zal' shɛηa ηankam be litaafi bil' ηɔ ni nyɛla ti zaasa fali, dinzuyu sokam ni tooi nyu bara n bahi ηa.

Pihita-yini-ka 29

- 1. Bəbigu shee, sokam mal' la o soli din kpaŋsir' o ka səŋd' o, ka o bebu mali daŋko.
- 2. Soli kani ka so tooi yeli ni o yu omaŋ n-ti yayi. Yelli yi zani, ka be yen vihi yelli maa, zaligu ni zali shem ka di ti soli ni di doli, n yuli maali yelli maa ka di ta sokam yem.
- 3. Di ka soli ka so tooi gbaai gbaaibu ka o gbaaibu maa tayi Yunaitid Neishins bee Tingbana Nangban Yini Layingu ni buysi shem litaafi bil' ŋɔ ni.

Pihita 30

Ni di ti sokam lahabali ka dama be bi zali zal' sheŋa ŋan be kpe ŋɔ la nin yino kɔ suyu, sokam zuyu ka be zali ŋa. Dinzuyu, zal' sheŋa ŋan be kpe maa ka bibiɛlim soya zuyu, bee tiŋŋmɔŋ soli zuyu. Dinzuyu sokam luyim tibili venyɛliŋga n wum ka di chib' o.